



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. III. Flagellatur.

[urn:nbn:de:hbz:466:1-49178](#)

De Christo paciente

240

nem; quid nunc dices, dum inter omnes homines non sit homo, qui te non odit, maledicat, persecutatur: expoliet vestibus, vinciat funibus, molitur interitum? tunc tactus dolore cordis intrinsecus, tonabas ex alto, & minabar: Delebo omnem heminem quem creavi, à facie terræ. Quæ jam metuenda sunt nobis ex ore tuo tonitrua? Quæ non expectanda fulmina? Quæ spes redemptionis possit in injurias in Redemptorem? O me miserum, cùm jam non sit qui redimat, neque qui salvum faciat! Quomodo ausim tot inter mihi timenda dicere cum Davide: Redime me, & miserere mei? Quid times, ne redimar: animamea? Sic loquitur per suum Prophetam, qui posuit pro te animâ suam:

Ps.7.3.

Ps.25.11.

Isa.43.1.

Ps.118.

94.

Noli timere, quia redemi te, & vocavite nomine meo: meus es tu. Si ergo sim tuus; dicam ego ad te: Tu es sum ego, salvum me fac.

§. III.

Flagellatur.

Propositurus plenum immensi stuporis, ac infiniti amoris sacramentum, prius tanquam celebrissimum totius rerum universitatis theatum, convoco cœlos & terras, homines & Angelos; quin & dæmones, sæuos justitiae satellites, ut eum intueantur, qui in atrio Pilati spectaculum factus est mundo, & Angelis, & hominibus. O Pater! ad sis hujus tragœdix spectator, cuius ego fui auctor. Hoc tamen obtestor, ut si videris manum peccatoris extentam super corpus Iilii tui; si videas manus nostras plenas sanguine, manum tuam longè facias à nobis; quia Filius tuus, idem qui à peccatoribus ceditur, pro peccatoribus patitur. Ad sis & tu, ô Justitia! & video usque ad novissimum quadrantem soluta nostra debiti. Nec

Nec ergo posthac ulla potest timeri punitio, ubi pro puniendis tam copiosa est redemptio. Interim quietum silentium contineat omnia in terris, dum in medio terræ operatur salutem nostram Salvator noster. Non h̄ic audiantur lamenta super flumina Babylonis sedentium, & flentium; non h̄ic resonet lyra Davidica: Mi- Ps.50, serere mei Deus. Non opus est, ut inter vestibulum Icel.2.17 & altare plorent Sacerdotes: Parce Domine, par- Luc.15, ce populo tuo. Non h̄ic audiatur vox prodigi: Peccavi in cœlum. Pro salute omnium sufficit vox una; vox sanguinis fratris nostri. Sed ut audiatur h̄ec vox sanguinis, aperiantur flagris omnia membra corporis. Tantum, quantum non potest intelligi, necdum exponi, Dei in humano corpore flagellati mysterium, accipite per compendium. Ita illud perstringit D. Hieronymus: Sex carnifexes accedunt: duo eorum virgis spineus; duo loris nodosis: duo catenis ferreis; incipiuntque primi totis viribus eum percutere; adduncur vulnera vulneribus, decurrit sanguis. Primi defessis succedunt secundi, & novis vulneribus vetera cumulant; quos mox tertii subsequuntur, qui uncinis carnem ac pellem avellant. O cœlum! ô terra! ô Superi! ô inferi! ô quidquid usquam sentit, aut sensus expers est! ô si quid est quod præterea appellare possum! Numquid h̄ic meritò dixerim cum Jeremia: Quis au- Ier.18.13 divit talia horribilia, quæ fecit nimis generatio filio- Ioan.1, rum hominum? Verbum caro factum est, ut salva fieret omnis caro: sed homo pati non potest, Deum esse hominem. Itaque homines tanquam in rabidas feras conversi, prius ipsi humanitatem omnem exuerunt; tum Jesu Humanitatem per atrocissimas peccatas funditus delere satagunt; quasi ferre non possent, ut Jesus esset Deus. &

Relatus  
à Glossa  
ordina-  
ria.

Q

mane-

maneret homo. Toto ergo furoris impetu in Verbi Incarnationem incumbunt, ut Humanitas tot cruciatum impatiens occumbat. Flagris, loris, verberibus ingeminatis velut super incudem ictibus cutem à carne, carnem ab ossibus validè & atrociter avellunt: quin & humani corporis compagem, & speciem, quantum illis licuit, destruxerunt. Nihil, ut in illis relatum vellent, non sanguinem in venis, non integritatem in nervis, non robur in membris, non nemum in artibus, non carnem in ossibus, non agilitatem in manibus, non firmitatem in pedibus, non pilos in capite, non formam in facie, non spiritum in corpore, immo ne speciem quidem hominis in homine; ita ut numquam verius, quam nunc, possit usurpare illa sua apud Davidem ver-

**Ps. 21. 7.** ba: Ego autem sum vermis, & non homo. Numquid  
**I. Reg 26.** vox haec tua, Pater mihi? vox mea est, fili mihi. Vermis,  
**27.** & non homo. Fui quondam speciosus formâ præstiliis hominum:

at nunc per te, vermis sum, & non homo. Tu quidem, ô homo, indueris purpurâ, &

bysso, & epularis quotidie splendide, ducis in bonis dies tuos:

at ego propter te vermis sum, & non homo. Ettu, mi amantissime JESU, in hoc rerum statu, vel potius casu; in his tuis in iuriis, doloribus, cruciatibus inter flagella & vulnera, in laceris membris, in convulsis artibus, in aper-  
 tis venis, in fracto ac cruento corpore, quid agis? quæ tibi mens? quod consilium? quæ inter tot afflictiones, sunt tibi cogitationes?

**Ier. 29. 11.** Ego cogito cogitationes pacis, & non afflictionis. Co-  
 gito, non quomodo te in terris flagellem, sed in cœlis coronem. Cogito, non de sumenda  
 vindicta, sed remittenda culpa. Cogito, quid adhuc possim facere vineæ meæ, & non feci. O

JESU

Jesu, verè nunc sponse sanguinis, clamamus omnes ad te, eādem, qua Judæi, voce; sed non eādem mente: Sanguis tuus super nos, & super animas nostras. Sanguis tuus, quem in Prætorio Pilati expressit non tam hostium furor, quām tuus in hostes amor, super nos: Sanguis tuus à Spiritu sancto formatus, ut sanctissimus sit super nos: Sanguis tuus à castissimis Virginis visceribus haustus, ut castissimus, sit super nos: Sanguis tuus, ut remittantur peccata nostra, sit super nos: quia sine sanguinis effusione non sit remissio: Sanguis tuus ex sacro sancto corpore effusus, ne simus rei corporis & sanguinis tui, super nos. Denique sanguis tuus ex sacrissimis tuis membris, pro tuis membris (sumus enim membra unius corporis) super nos, & animas nostras: ut postquam dealbaverimus stolas nostras in sanguine tuo, possimus à te redempti, cum omnibus tuis Electis, modulari illud sacrum carmen: *Redemisti nos Deo, in sanguine tuo.* Apoc. 5.

Heb. 9.22

II.

### III. M E D I T A T I O.

*De eodem Mysterio.*

**M**Ysterium grande, quod omnem excedit fidem, præter illam, quæ est supra naturæ vires, & à Deo infusa, est Dei ab hominibus pro hominibus flagellati cruentum sacramentum. Quod sic est plenum, nescio quo horrore, ut scelus sit illud audire, nec eo auditio ad scelera detestanda permoveri. Idcirco quisquis hic adstas, eorum quæ referuntur, auditor, præmoneo. & admoneo, ut componas & disponas animum ad

Q 2

dete-